

經方應用

十



經方應用

泰州武國良簡侯編纂

瓜蒂散類

胸中痞硬氣上衝咽喉不得息傷寒論金匱主用

瓜蒂散

瓜蒂一香瓜蒂 赤小豆各二。

右為細末混和之先以熱湯七勺煮香豉九二
作稀粥去滓以稀粥和藥末服二、〇方後原
文云不吐者少少加得快吐乃止

証狀表現 傷寒論病如桂枝証頭不痛項不

強寸脈微浮胸中痞硬氣上衝咽喉不得息者此為
胸有寒也(有謂此句係後人所添者)當吐之宜瓜蒂
散諸亡血虛家不可與

又病人手足冷脈緊者邪結在胸中心中滿
而煩飢不能食者病在胸中當吐之宜瓜蒂散

金匱 宿食在上脘當吐之宜瓜蒂散

補充 當有心中懊懣或溫溫之狀或胸中有
痛等証

編者按 上條胸中寒之寒字諸家解說不一
多數以寒為痰(成方喻等)亦有以為寒痰者(曹穎甫)

熱疾者（金鑑）寒氣者（陳修園）邪氣者（程郊倩等）病毒者（求真等）憚鐵樵氏云寒字可疑既不得強解為熱亦不得強解為邪直誤字耳可順生理為治凡病日淺正氣未虛邪熱內攻胃不能容生理起反應而嘔者皆可吐也日醫杉原德行（新解）直認為後人註語識見尤當山田氏云此係離開生理之物蓋泛指痰濁涎沫等而言無溫養之氣此語可以包括各家多種解釋因為有物在胸中時時上迫不得出藉藥物以利導之即憚氏所謂順生理為治也如其胸中無物而以藥物迫使越出則近於誅伐無辜矣



立方意義 本方証先由風邪濕邪存在胃中而生熱有似桂枝湯証既因濕熱益相勾結食物痰濁阻滯而不能化以致發生煩滿痞硬上衝咽喉而不得出之証宜根據高者越之之規律用吐劑兼能發散解熱藥中瓜蒂能刺激胃神經而起嘔吐亦小豆能防止熱濕勾結發生膿血香豉能和風邪濕邪發汗解熱亦有刺激胃神經引起嘔吐之作用故為催吐方中之上劑

按 衷中參西的醫論據日人猪子氏云瓜蒂雖為有毒之藥然服後並不吸收祇刺激胃腸粘膜

故無中毒之患惟服之過量則能引起急性胃腸炎
使吐利不止故一次所服不得逾五分六厘

治療標的 以胸中有物結室煩滿時時欲吐
飢不能食腹部堅實者為主標的而用之

諸家經驗談 袁中參西的醫論（上虞戚肖波
著）一婦人發狂癰發則把刀欲自殺或欲投井終夜
狂躁不眠間有肅然謹厚勤於女工與瓜蒂散一錢
二分涌吐數升而愈更服人參白虎湯遂不再發

又一婦人善笑凡視聽所及悉成笑料笑必
捧腹絕倒甚則脅腹吊痛為之不息常自以為患與

瓜蒂散吐之遂不再發又一女子年二十許狀如癰
瘤卒倒不省人事少頃自蘇年發四五次病起幼年
百治不效後用瓜蒂末五分以蘆汁送下吐粘痰一
升而愈又一婦人年三十餘每交則小腹急痛甚則
陰門出血而月事無常腹診脈象亦無他異乃與瓜
蒂散六分吐粘痰升許訖更與大柴胡湯緩緩下之
後全愈

生生堂治驗 一 笑病縣屋彌三郎之妻善笑
其所視聽莫不畢入笑笑必捧腹絕倒甚則脇腹吊
痛為之不能息常自為患請師治之即與瓜蒂散一

結

痛

錢上涌二升餘不再發。臟結梗屋某之僕二十歲
晡飯（晚飯）後半時許卒然腹痛入於陰囊陰囊挺脹
其病如剋身為之不能屈伸輾轉悶亂叫喊振伏迎
先生診之其熱如燔囊大如瓜按之石硬（腸嵌頓形）
病者昏憤中愀然告曰心下有物如欲上衝咽喉者
先生聞之乃釋然撫掌而謂之曰汝言極當以瓜蒂
散一錢湧出寒痰一升餘次與紫圓三分瀉五六行
及其夜半熟睡達天明前日之病頓失如忘。惡阻
石衛門之妻年十九妊娠時時嘔吐飲食不進醫以
為惡阻療之及至三四日飲食殆絕形體羸羸居常



默默好居暗室既而以為勞瘵謀之先生切其脉按其腹曰是惡阻令然也非瘵熱也使一物瓜蒂散之証也病婦以憚吐劑不肯服師諭之曰夫姓娠之於惡阻經三旬若五六旬則自愈而已今室人所患不唯延遲過期羸困甚極矣若有外邪乘此恐損懷胎豈可不虞也（中畧）病婦乃服之如法居二日復省之舉家大喜且謝曰初服散也心中憤憤吐黃水及粘痰自未至卯約二升餘心情簡爽食始進彌月分娩母子無恙

萬病回春

龔子才治一人癲狂亂打走叶上

鼓

屋用瓜蒂散吐出臭痰數升又以承氣湯下之而愈
諸家緒論 外台引張文仲瓜蒂散(即本方無
香豉)主傷寒胸中痞塞又引范汪瓜蒂散(同上療傷
寒及天行又引救急療諸黃瓜蒂散(即本方香豉改
用丁香又引必效瓜蒂散(即本方加秫米)又引延年
瓜蒂散(即本方去香豉)療急黃心下堅硬欲得水喫
氣息喘粗等若輕病直吹鼻中豆粒大亦得並宜灸
巨闕

時氏處方學

催吐劑與攻下劑皆為治病之

要着所謂在上者因而越之在下者引而竭之是也



權衡於吐下之間吐法較為重要蓋應下失下之証雖為逆候然仍用下法尚可挽回應吐失吐之証恐不待終朝而已發生危險（中畧）瓜蒂為涌吐之特效藥佐赤豆之苦泄香豉之開發俾痰涎宿食停滯胸中皆可得吐而解此為宣通胃脘之良劑

儒門事親

瓜蒂散（即本方加人參甘草去香

豉）空心麤汁調服另方祇用瓜蒂加防風藜蘆共三味加麤汁煎服名三聖散用吐法者每以此方代瓜蒂散用

編者按

石室秘錄宜吐之証必須看其痰蹟

乾而光亮者放心吐之餘則皆忘所謂光亮者如蝸
牛涎狀也醫方集解吐時須令閉目緊束肚皮吐不
止者葱白湯解之良久不出者含砂糖一塊即吐外
台引范汪服湯如吐不止時益飲冷水解之張子和
用麝香湯解之以瓜苗聞麝香即死也金鑑凡煎吐
藥湯及調散或用酸米湯或用白湯或用稀米粥須
備十餘鍾令病者頓服一鍾即用指探吐藥出再服
一鍾亦隨用指探吐藥出再服再吐以順溜快吐為
度則頭額身上自有微汗所有病証輕減即為中病
不必盡服餘藥吐法撮要凡服吐劑至欲吐時先飲

之

沸湯一碗則易吐既吐後暫使安卧休息更使沸湯
一碗取吐數次而後與冷粥或冷水一碗以止之吐
中或吐後煩躁脈絕不知人四肢厥逆者勿駭是乃
眩暈也以冷水灌面或使飲之則醒或以麝香和冷
水使飲之亦佳以上關於施用吐法時應具有此種
先進經驗以待用也至於藥物之瓜蒂活人指掌辨
疑認為絲瓜蒂舒詔氏亦云如無甜瓜蒂可以絲瓜
蒂代吐方攷云窮鄉無瓜蒂可以苦瓠瓢代之皆以
其能催吐也其他如常山藜蘆蚤休萊菔子石蒜白
芥子相思子胆礬吐根已豆食鹽之類均可催吐但

終不如本方之穩健爾

又按 求真氏皇漢醫學所引吐方攷吐方撮
要用吐法可療多種病症如胸中停痰宿水噤口痢
卒中風顛狂癰龜胸龜背藏結喘滿頭腫癰瘰赤白
帶小兒急驚瘧疾痿痹初起等症云吐後必須以通
和之劑採用瀉心湯或黃連解毒湯調胃承氣湯等
又謂欲行此術必須先候其胸膈以有病毒結室腹
部堅實脈沈數為目的更說明在妊娠後痰血欬血
癰毒血崩亡血虛家及年過六十者皆不可吐蓋深
悉吐方之受效與忽用吐法之為害故不憚諄諄言

之耳聞德潤氏云誠以吐法苦痛最多故少用於病人俗工之廢吐法不用亦多以是為藉口金鑑云邪之在上者非吐不愈若如俗工所云使病者畏不敢服因循生變致輕者重重者死夫誰之咎歟其痛恨不敢用吐法以誤人疾病之俗工溢於言表學者可了然矣近代醫家余聽鴻氏治石姓姬食厥陶朱兩姓姬氣厥皆以吐法致效（醫案）並謂余見肝厥食厥氣厥等証惟有吐為最速所以吐法不可棄而不用也從可知吐法實為治病要術學者在臨床上能參攷應用其療效速度當更顯著也

憑証使用 多種病証而有物結室在胸中時
欲吐身體不虛者按上法用之

雜方類

水腫小便不利金匱用

蒲灰散

蒲灰一斗五 滑石二斗

右為細末一回四、〇許日三服

証狀表現 原文小便不利蒲灰散主之滑石
白魚散茯苓戎鹽湯見茯苓湯類並主之

立方意義 本方証係由濕熱鬱於血分結於

下焦阻碍水道不能暢通所致故以香蒲能去燥熱
消瘀血而利尿滑石能通濕熱去留結而利尿竅用作
消炎通淋利尿之劑

治療標的 以有小便淋瀝不利而現水腫之
狀者為主標的而用之

諸家經驗談 金匱要略新義曹穎甫云蒲灰
散一方今人不用久矣王一仁在廣益醫院治病有
錢姓男子腹如鼓股如五斗甕臂如車軸之心頭面
皆腫遍體如冰氣咻咻若不續見者皆曰必死一仁
商於劉仲華取葯房中乾菖蒲一巨捆熾炭焚之得

